

ՀՈՐԵԼՅԱՆԱԿԱՆ ՆԻՍՏ՝ ՆՎԻՐՎԱԾ ՍՍՀՄ ԴԻՏՈՒԹՅՈՒՆՆԵՐԻ
ԱԿԱԳԻԵՄԻԱՅԻ ՀԻՄՆԱԳՐՄԱՆ 250-ԱՄՅԱԿԻՆ

Մայիսի 24-ին ՀՍՀՂ գիտությունների ակադեմիայի նիստերի ղափկնում տեղի ունեցավ Հայաստանի գիտությունների ակադեմիայի ընդհանուր ժողովի հոբելյանական նիստը՝ նվիրված ՍՍՀՄ գիտությունների ակադեմիայի 250-ամյակին:

«ՍՍՀՄ գիտությունների ակադեմիան սովետական գիտության առաջատար կենտրոնն է» զեկուցումով հանդես եկավ ակադեմիայի պրեզիդենտ Վ. Հ. Համբարձումյանը:

— Այսօր սովետական ամբողջ հասարակացությունը, համայն աշխարհի գիտնականները, — ասաց նա, — տոնում են սովետական գիտության առաջատար կենտրոնի՝ ՍՍՀՄ գիտությունների ակադեմիայի հիմնադրման 250-ամյակը: «Ակադեմիան մեր հպարտությունն է» նշանաբանով սովետական բոլոր հանրապետությունները նշում են այդ փառապանծ հիմնադրության վաստակը համաշխարհային գիտական մաքի զարգացման գործում, հայրենիքին մատուցած նրա ծառայությունները, որի տնտեսական ու մշակութային զարգացման ասպարեզում նա վիրխարի դեր է խաղացել:

Պետերբուրգի գիտությունների ակադեմիան հիմնադրվեց 1728 թ. հունվարի 24-ին հրապարակված հրամանագրով. ակադեմիայի ստեղծումը նպատակ ուներ զարգացնել գիտությունն ու կրթությունը Ռուսաստանում: Ակադեմիայի աշխատանքին մասնակցելու համար հենց սկզբից հրավիրվեցին ինչպես տեղացի, այնպես էլ օտարերկրացի նշանավոր գիտնականներ: Գլխավոր խնդիրը ամենաբարձր մակարդակով գիտության ստեղծումն էր: Ակադեմիայի հիմնադրումից 17 տարի անց այնտեղ սկսում է աշխատել Միխայիլ Վասիլևիչ Լուդևիգովը և նրանից հետո՝ ռուս գիտնականների մի ամբողջ աստղաբույլ՝ բնախույզ Կուշնենկովը, աստղագետներ Պոպովը, Ռումովսկին, Ինդիկոցկեր, մեխանիկ Կուտելնիկովը և ուրիշներ, որոնց գործունեության շնորհիվ Պետերբուրգի գիտությունների ակադեմիան համաշխարհային հանաչում է ստանում և Փարիզի ակադեմիայի ու Լոնդոնի արեալական ընկերության հետ միա-

սին դասվում աշխարհի լավագույն գիտական կենտրոնների շարքը:

Հոկտեմբերյան հեղափոխությունը նոր դարազույս սկզբնավորեց Ռուսաստանի ակադեմիայի տարեգրության մեջ: Վ. Ի. Լենինը հատուկ ուշադրություն էր դարձնում գիտական աշխատանքի նյութատեսիկական բազայի և դրա համար անհրաժեշտ պայմանների ապահովմանը: Կուսակցության ու կառավարության ճոգատարության ու օգնության շնորհիվ հաջորդ տասնամյակները հանդիսացան հայրենական գիտության անի ու ծաղկման ժամանակաշրջան:

Այնուհետև զեկուցողը հանգամանորեն կանգ առավ ՍՍՀՄ գիտությունների ակադեմիայի գիտական ու գիտակազմակերպական բեղմնավոր և բազմազան գործունեության վրա. ընդգծեց այն հսկայական օգնությունը, որ ակադեմիան ցույց է տվել միութենական հանրապետություններին, մասնավորապես՝ Հայաստանին, գիտության զարգացման և գիտությունների սեփական ակադեմիաներ ստեղծելու ասպարեզում:

Հայ ժողովուրդը, մեր գիտնականները, — վերջում ասաց Վ. Հ. Համբարձումյանը, — միշտ երախտագիտությամբ համակված կլինեն ՍՍՀՄ գիտությունների ակադեմիայի նկատմամբ, որը հսկայական դեր է խաղացել Սովետական Հայաստանում գիտության կազմակերպման ու զարգացման գործում:

Այնուհետև զեկուցումով հանդես եկավ ՍՍՀՄ գիտությունների ակադեմիայի պատվիրակության ղեկավար, ՍՍՀՄ գիտությունների ակադեմիայի նախագահության անդամ, լենինյան և ճոբելյան մրցանակների դափնեկիր, ակադեմիկոս Ա. Մ. Պրոխորովը:

— Սովետական ժողովուրդը ՍՍՀՄ գիտությունների ակադեմիայի 250-ամյա հոբելյանը նշում է ստեղծագործական և աշխատանքային բարձր խանդավառության մրնոլորտում, կապված իններորդ հնգամյակի վիրխարի պլանների կատարման հետ, — ասաց նա: — Գտնվելով համաշխարհային գիտության առաջավոր բնօգծերում, ակադեմիայի գիտնականները հիմնաբար հետազոտություններ են իրականացնում

ժամանակակից գիտության բոլոր կարևորագույն ուղղություններում, ամեն կերպ նպաստում տեխնիկական առաջընթացի արագացմանը: Մի շարք հիմնական գիտական ուղղություններում սովետական գիտությունը առաջատար դիրք է զբաղում աշխարհում, որը բույլ է տալիս լուծել երկրի էկոնոմիկայի զարգացման և պաշտպանունակության կարևոր խնդիրները:

Անդրադառնալով Հայաստանի գիտականության զործուներությանը գեկուցողը նշեց այն մեծ հաջողությունները, որոնք ձեռք են բերվել աստղագիտության, ֆիզիոլոգիայի, բիոլոգիայի, երկրաբանության, կենսաբանության և հասարակական գիտությունների բնագավառներում:

Վերջում Ա. Մ. Պրոխորովը վստահություն հայտնեց, որ ՍՍՀՄ գիտությունների ակադեմիայի և միութենական հանրապետությունների գիտությունների տկաղեմիաների հետ հույ գիտականների ամրապնդվող ստեղծագործական բարեկամությունը կօգնի լուծելու արդի գիտության բարդ պրոբլեմները և արժանի ավանդները կոմունիզմի նյութատեխնիկական բազայի գիտական հիմքի ստեղծման գործում:

Նիստին ներկա էին ՀԿԿ Կենտկոմի, ՀՍՍՀ կառավարության ղեկավար աշխատողներ, ՍՍՀՄ գիտությունների ակադեմիայի պատվիրակության անդամներ:

Հ. ՀԱՐՈՒԹՅՈՒՆՅԱՆ

ԳՈՒՐԳԵՆ ՍԵՎԱԿ

(Մենդյան 70-ամյակի առթիվ)

Լրացավ Հայկական ՍՍՀ ԳԱ իսկական անդամ, բանասիրական գիտությունների դոկտոր, պրոֆեսոր, Հայկական ՍՍՀ գիտության վաստակավոր գործիչ Գուրգեն Գրիգորի Սևակի ծննդյան 70 և գիտական-դասախոսական գործունեության 45 տարին:

Գուրգեն Սևակը ծնվել է 1904 թ. Թբիլիսիում, այնտեղ էլ սովորել և ավարտել է Ներսիսյան դպրոցը: 1924 թ. ընդունվել և 1928 թ. ավարտել է Երևանի պետական համալսարանը: 1930 թ., երբ նա երկրորդ տարվա ասպիրանտ էր, սկսվում է նրա դասախոսական գործունեությունը, որ շարունակվում է մինչև օրս: 1937 թ. Գ. Սևակը ստացել է դոցենտի կոչում, 1940 թ. դոսենտացիայի պաշտպանությամբ՝ բանասիրական գիտությունների թեկնածուի աստիճան, իսկ 1948 թ.՝ դոկտորի աստիճան, ապա և պրոֆեսորի կոչում:

Պրոֆ. Գ. Սևակը սովետահայ լեզվաբանության նշանավոր գեմեերից է: Թաղման ու ընդարձակ է եղել նրա գիտական հետազոտությունների բնագավառը: Նա զբաղվել է ժամանակակից հայերենի տեսության, պատմության, սեմանտիկայի, աբստրակտիզմի, ուղղագրության և ուղղախոսության հարցերով:

Գ. Սևակի ուսումնասիրությունները մեծ մասամբ տեսական բնույթ ունեն: Նրա առաջին լուրջ աշխատանքը, որ լույս տեսավ 1934 թ., «Լեհերի և դիակետիկական օրինաչափությունները լեզվի մեջ» խորագրով ընդարձակ հոդվածն է, որտեղ հեղինակը լեզվական փառ-

տերն ու երևույթները բնեում ու բնութագրում է մարքս-լենինյան արտացոլման տեսությամբ լույսի տակ:

1939 թ. լույս է տեսնում պրոֆ. Սևակի մի այլ ծավալուն հոդվածը՝ «Խոսքի մասերի ուսումնասիրություն»², որտեղ բնագավառում խոսքի մասերի դասակարգման տարածված կարծիքները՝ ընդունում է այն սկզբունքներ, ըստ որի խոսքի մասերի դասակարգման հիմքում պիտի դրվի բառերի լեզվա-իմացաբանական ընդհանուր իմաստը:

1939—1947 թթ. առանձին մասերով լույս է տեսել Գ. Սևակի «Ժամանակակից հայոց լեզվի տեսություն» ուսումնասիրությունը, որը ժամանակակից արևելահայ գրական աշխարհագրի ուսումնասիրության բնագավառում մի նոր փուլ էր Մ. Արեղյանի «Հայոց լեզվի տեսություն» հիմնարար աշխատությունից հետո: Գ. Սևակն այս գրքում բնութագրում է արևելահայ գրական աշխարհագրը, նրա հասարակական կշիռը, խոսքի մասերը, հանգամանորեն ներկայացնում արդի հայերենի գոյականները, բայր, նոյովման ու խոնարհման համակարգը:

Պրոֆ. Գ. Սևակը Մատի դրույթները անհեղափառ ընդունողներից չի եղել: Տակավի՛ն 1930—1932 թթ. նա բնագավառում է Մատի սույ գրույթներ, իսկ 1955 թ. իր «Տեսության» վերամշակված հրատարակությունում, որ կրում էր «Ժամանակակից հայոց լեզվի դասընթաց» վերնագիրը, Սևակը սուր բնագավառության է ենթադրում լեզվի բնութագրի, նրա ծագման ու զար-

¹ Մարքսիզմ-լենինիզմի ինստիտուտի «Տեղեկագիր», 1934, № 1:

² Երևանի Համալսարանի «Գիտական աշխատություններ», հատ. 11, 1939: